

松
圓
浪
淘
集

松園浪淘集

遇琴卷十

凡四十六首

谿山圖卷二首

同唐婁二兄壽龔石巖方伯

遲日媚初年芳郊詩酒筵觀魚行陟凍養鶴欲
冲天山水圖將合園桃理盡連衣冠自圖書賓
從亦羣仙

穿築多新意羣峰列坐隅誰將林壑貌自作海
山圖盤谷深堪隱仇池勢可呼不知城郭外冉
冉即蓬壺

孫漢陽屏風十二詠題壽

歲歲早春梅年年長命杯未應花勝帖先傍錦

屏開

梅

君家玉樹枝託根在盤石怪底冰綃閒千雲亦

千尺

玉蘭

萬樹曲江邊花時春風顛題詩少年日走馬黃

金鞭

杏

河陽三月花暎成桃與李一往千春閒杳然隔

流水

桃

聞說神仙宅曾開頃刻花何如雲母障不夜爛

朝霞

牡丹

月華金欲委風靜珠仍漾應有千歲龜暗巢蓮
葉上蓮

海外珊瑚枝丹房玉齒齒神農未知名祝君多
男子百子榴

一勺金花潭少亦踰上壽不學東籬人采采徒盈手

衆木清霜後新花初日閒憑將佳人掇來方上客顏木芙蓉

雙松摩蒼天偃蓋朝羣帝莫論鶴上人鶴壽不
知歲

朝餐綬山實畫遊金馬門西池阿母下曾與漢

皇言

桃實

風流貧太守粉墨追神仙三山白雲起可拍洪

崖肩

海山

招德先宗兄

久緣雙眼卧憎與一樽違不獨林花盡其如江
客歸庭閒梧響寂夜雨酒香微莫厭過貧阮他
鄉相訪稀

題松窓讀易圖

落落長松繫鳥蘿短籬疎格遠山多玄經讀罷

心如水且喜無人載酒過

雨夜同家叔話舊

他鄉杯酒緩扁舟
寒食西窗夜燭幽
一路草生春獨遠
千峰花發鳥相求
墳頭白石皆親拾
澗畔長松是舊遊
久客自憐歸未得
空林應莫歎淹留

家叔有山居
滯留之歎

清明拜張二丈墓

同子柔作

去年寒食杏花新
扶杖猶同過北鄰
酒熟欲澆中聖客
花紅來哭下泉人
白楊但種看成柱
蒲柳雖存合作塵
更有傷心無可道
空山一別六

迴春

寄啓陽家叔

是年五十

南山春草鹿呦呦應歎閒居歲月流老去未依
禪境住窮來須作醉鄉遊松花酒熟甜於蜜杏
子羹稀滑似油到日園蔬知更美莫辭弟勸與
兄酬

送張慎其秦中謁顧中丞就婚

中丞蒼佩俯咸秦才子衣香渡孟津濯濯風流
元似柳夭天花月不勝春臺中列栢迎瓊樹幕
裏紅蓮讓玉人遙識禮成思拜慶還從烏署問

鷄晨

子柔兄生子復聞晬日喜賦此詩

憶昨誕馨兒曾聞吉夢隨慈親觀晬日居士坐
禪時奇骨從僧揣嘉名被佛持賓來不須試看
取辨無之

題桃花下雞

草綠日已長花紅風不起知有千歲翁放雞白
雲裏

愁霖

慵起貪朝雨空階聽轉幽浪浪何日已悄悄不

能休突兀千閒屢離披五月裘感時無苦語心
弱耐禁愁

寄孫三廬江

自從君去少經過霖雨柴門有嘯歌懷袖尺書
三歲在江關蕭瑟暮年多過淮落木空明月到
海青山祇白波聞道兒郎轉聰慧比來樽酒興
如何

中秋莊民敬將軍遣舟相迎同張季脩觀
月余齋日止酒

維舟朝雨點澄灣入坐疎花共破顏美酒十千

來月下華星三五出雲閒佳期遙夜思瓊樹飲
態臨風看玉山最是雅歌饒樂事相逢解帶不
知還

海上

海上潮生江怒號樓船風日興蕭騷粘天快鷁
雙羊角吸月長鯨隻蟹螯一粟那須期汗漫三
山如可見纖毫乘流自託莊生瓠羨爾投竿欲
掣鰲

十八夜將別忽部中奏樂有善槌鼓者遂
留飲至夜分

關門立馬過栖鴉把燭中庭疊鼓笳小隊青絲
重按拍輕衫白塵試聽撾爲憐一水寬衣帶且
戀三杯岼幘紗寄語紅蓮池上月星星休照鬢
邊華

送葛山人

江月繫舟圓蓬門秋可憐長因貰酒日還憶賣
文錢興愜寧論醉身空不異禪只愁湖水濶歸
處夕陽蟬

酒閒歌送洞庭葛實甫兼寄訊一雨禪師

憶昨梅花籃輦傍映樹湖山青黛光

戊申春同
朱白民仲

和長蘅閑孟
看梅山中

兩山可呼不盈尺，漣漪無風葦可

航。雲山笑人成白首，只今不來知來否。秋風秋

雨，衡門前指君家山。酌君酒，峰頭橘柚懸青蒼。

蘭若逶迤松桂香，記取山深雲亦好。一雨山居詩句爲

傳問訊到禪房。

題江月圖贈建昌梅子庾

名慶生

弄月燕子磯，江水明見底。歸客中夜分，櫓盡鐘

遷迤。至今白玉光，眼花時歛起。醉吟秋鐘詩，此

圖聊借耳。

曹能始送子庾，明月自佳，色秋鍾多遠聲。

心開恍月皎，客

好如酒美。畫師隔前身，習氣現彈指。睂宇何微

范兀傲乃似子坐客爭捋鬚此處不凡矣放筆
亦自笑一戲復爾爾平生澹蕩人饑餓僅免死
樽罍遙可呼餅罌先見耻天公憐寂寞突兀來
快士破垣行寶彝空庖出乾肺歌仍落金石管
欲迷宮徵不辭笑脫頤應防怒切齒此語久欲
吞憑君吐終始

送林符卿自吳興遊新安

春前已結還山伴涼至看君且獨行一水菰城
秋雨色萬山譙閣舊灘聲局殘應到官衙覆名
在曾教客座傾朋好憐余問雙髻爲言懷舊減

風情

送莆田宋比玉歌

比玉在建州符山寺客坐兄余荔枝酒歌遜作

歌見寄竟不達經七年矣適來過陳令因相見懽甚比玉固多才藝余猶愛其宏達蕭遠追送崑山張氏山閣臨別漫爲此歌君許作遇琴館圖見寄同遊翁君吾鼎名鉉亦高士也

古人片言感知已世上游揚徒爲爾市肆藏名三十年客坐神交幾千里詞賦小道不足論青眼逢君翻可耻別有平生廓落心肝膽憑君許終始人言作客不稱意君更囂然殊自喜汪陂落落浩無際澄潭歷歷深見底吾家四壁生蓬

蒿紙窻竹屋寒蕭騷興中就我貰濁醪月下往
往來吾曹共誇溟漲與筆力况復悄悄歎琴德
酒酣瞪目呼墨汁輕統大障淋漓濕蛟龍倔强
怒欲飛曳練崩雲看不及莫言文章老更成少
時落筆人盡驚輟毫焚硯豈吾意貴欲同輸萬
古情蒼茫煙郊見百里送君醉臥寒山城意長
別促不易寫罷琴夜靜松風聲別後音書余懶
作煩書幼輿置丘壑若見王郎好寄書慰余心
迹雙寂寞

時翁吾鼎陳
彦質俱同發

陳侯介壽詩賦得秋字

代子魚

化國舒長夏仁風叶爽秋同將九醞美競獻萬
年酬圖畫榮陳紀弓旗揖太丘湖蓴千里豉海
錯百城羞鶴舞彈琴室鳬輕戲綵樓慈顏方式
燕民瘼更精求傷稼知時亟施蒲覺惠優溝中
餘起色境上匝歌謳漢典宜增秩吳鄉速置郵
偏宜晉懷縣日奉板輿遊

得康字

代龔方伯

葛令丹砂邑王喬白玉堂量移多寵渥祿養有
輝光列宿調珍膳天星挹酒漿彈琴花氣入扇
枕竹風涼寢閣巢鳥鳥公庭集鳳凰省災知歲

滂歌舞若時康美頌歸申甫崇班侍夕郎 聖
朝先孝理早晚拜宸章

得風字

代時侍衛

甲族閩方古宸區震澤雄仙輿迎越嶠靈壽覽
吳風太史應占象真人已向東趨庭元擁笏侍
膳亦揮桐門引登龍客郊連狎雉童桑弧臨海
岱斗極倚崆峒玉樹承衫綵榴花近酒紅祀河
嘗後海稱岳自維嵩經術菑川豕年光渭水熊
竹看難老日鳧舄入南宮

寄懷宋比玉兼訊翁陳二子

四首

久客懷人慣殘冬意若何難將詩發興甘值病
消磨雪片閩中少梅花年外多欣聞後歸侶春
到許經過

臘下逢回載開械正憶渠長歌仍道故勝事即
吾廬行李還相及流年竟莫居崎嶇冰雪際琴
緒復何如

姑蔑鄰除歲還家詎可憑天寒問餅水人迴望
壺冰詩札來逾好歌懷續未曾春深話歸楫搖
蕩亦無恒

同舟分建業聞欲向鍾離已判無來信惟應把

贈詩文章羈旅見憔悴
路人疑寂寂甘蓬累
休論會汝期

戲題汪無際泖上游冊

我思廿年前逐景嗜吟諷
家山富幽奇勝友惜
難其筆記許曲折歸作千里供
貪奇數天井

天井齊雲佳處

春雨沐塵霏峰尖簇簪髻
簾腳挂瓴甕

雲崩澗千絡谷罅天半縫
指畫欲了然口說嫌
未痛邇來頗自笑思此如昨夢
亦曾歷九峰剩
伎幾一弄旋悔疲心神反爲耳
日用欲作已輒
休清債久逋空君癖乃過我挑
達劇喧閑忍飢

撥嘲諢快馬喜脫鞵雪畦轉宵燎旭燾踏晨凍
新詩逞摹寫萬狀莫潛縱驟讀神已馳沉吟色
猶動毫端掉奇舌巧韻貼春吟第莫向聾聵俗
耳未易控不見看山人雙眼只如瞢

書事

多年團扇疊空箱不道閒看費付量長日自開
還自鎖路人傳語到蕭郎

題畫扇

畫中平遠見春洲二月煙林綠漸柔此是笱年
歌舞地碧潭紅樹美人遊

過唐正叔郊居漫題索和

小塘潮落碧氤氲
畫舫青絲繫綠筠
野老襟期同夜雨
故人詩態似春雲
忘形飲痛披衣慣
捉臯歌輕擁被聞
如此風流俱合寫
不吟舉白便浮君

同仲和伯美永思雨中信宿

宿長蘅齋閣即事有懷比玉

酒醒雲散向君家
却憶迴舟聽琵琶
小閣明燈過宿鳥
鄰房滅燭正聞蛙
西山二月辜梅萼
南陌多時遍柳花
佳客杯盤園笋美
何由縮地到天涯

已酉春暮唐正叔鄭閑孟攜榼就吾家餞
莆田翁吾鼎醉後自爲短歌

載酒送君發杯香衡門底燭盡壺復傾主醉客
欲起筵中分散即黯然明日離憂那可擬春光
三月三十時客路千山千萬里貧家愛客門如
水飢鼠夜憂晨雀喜自迴鮑子今三春塵榻何
由弛行李崎嶇好事我亦笑寂寞爲歡私且紀
清歌匝梁夜無燭明月翻星光泥泥入厨得酒
共飲冷醢鮓暗搜寧用七醉穿林影東庵東月
落鍾鳴未言已至今猶傳踏月圖遠客借觀談

更美君來祗共一盤蔬不用葷羶汚砧几莫辭
千里赴一笑春岍長教勝冬蟻

寄獄中

誤失蒼鷹意真令市虎成讒人猶有極公道竟
難明宥坐銘堪覆垂堂戒欲傾窮交千古事只
有一虞卿

松圓浪淘集卷十

終

松園浪淘集

春湖卷十一
九五十七首

送翁吾鼎過崑山宿張氏山園

新酒殘花奈遠行
曉風吹席過山城
江波自作留人色
巒翠猶懸宿客情
倚棹徑穿芳澗細
移舟潮入暮池平
林丘曾竝攜琴到
千里春愁一夕生

送客閬門對雨懷仲和讀書花山

梅發東鄰日掩扉
紫藤開盡燕雛飛
平蕪不放遊人屐
細雨仍沾送客衣
水國陰晴孤棹倚
花

源遠近一僧歸書窻夜火齋厨磬過却家園笋
正肥

閩門訪舊作

悵望吳閭百里餘故園兄弟日應疎多年華鬢
絲相似三月春愁水不如歌扇舊分桃葉渡釣
船今傍藕花居掃眉才子何由見一訊橋邊女
較書

鷺脰湖道中值雨漫興

江南四月棟花風綠雨生寒水氣通吳苑歌殘
春寂寂嚴灘帆遠碧濛濛經時浪迹攤書外盡

日風煙潑墨中莫憶鄉園苦回首江湖隨地足
漁翁

塘栖道中

桑陰沃沃雨浪浪帆飽江肥客興長已自一舟
同泛宅何煩千里更賫糧洲前笋出松醪碧水
面茶傾豆子香風物杳然迷處所不知明日是
錢塘

西湖訪舊兼柬新知

身名不問廿年間寂寞荒江絕往還落月尚疑
顏色在澄湖空照髭毛班論交處士曾懷刺頌

酒先生善閉關欲傍南屏尋小築卧聽黃鳥話
晴山

將叅雲栖漫述

飄零短髮不勝簪長掩蘿齋傍一龕春後禪栖
三竺外夢中田舍五湖南煙霞癖在終何事土
木形殘祗不堪明日籃輦容載酒雙眉入社欲
懷慙

題畫

夜雨千峰湖水渾楊花萍葉兩無根湧金城角
漁燈裏白浪斜風送到門

看畫夜歸作

處處生香杜若洲
春江不動白雲流
掉頭紗帽無拘束
不向僧窻便酒樓

將歸呈所知

莫笑狂夫歸每遲
興中間暇輒相思
東鄰計別應邀宿
北郭多情已賦詩
夜挹熏爐同淨友
昨分香鉢記禪師
獨慙愛畫淹行色
看飽何殊說食時

許成之鮑谿父追送塘栖余齋日不飲

湖頭十日雨冥冥
茶盃香鑪問水亭
幾共挑燈歸郡郭
還同襍被宿郊垌
行舟淥水當歌漫送

客遙山對酒青此夕暗應添白髮老夫那易獨
爲醒

送吳趾瑞還鄉覲省

南窗涼月北窗蘿微暑殘霖奈別何長日羈愁
空倚薄浮雲世事易消磨掉頭詩卷人間少繫
肘方書海上多歸覲庭闈知健在扁舟那惜更
經過

題畫扇送長蘅

百巧千窮老便休詩腸畫手對君羞自今別有
安閒法不做忙人少出頭

送張伯美北遊

扁舟曾向秣陵遊今日臨岐感素秋
舊國江山客子路新年雨雪帝王州
空傳京洛還西笑真見吳儂向北愁
直到邗江始分手前程猶有二
登樓

送李長蘅北上三首

虎山橋同觀月作

少年負壯志離觴縱橫揮中歲頗耽寂
幽懷澹無依何當與子別惻惻乃多違
子本青雲人瀟洒富清機邀我同袍侶
蓬門去幽栖誰當數晨夕玄言解其微
恨不同秉燭從子郊園扉

送子復行役前期登北固焦嶺宜終宵江光洗
月露挹彼萬里流話此兩岐路郡郭未可越圓
景已盈度虎山亦清絕心賞諧遠慕離從自少
歡陳迹况多故管遊矜紅顏雙領俄被素悠悠
百年閒徒爲俗所誤

援毫心常慵臨訣意彌永吾所欲贈子不語各
自領閒茲南北居誰能不恹恹夸人毗榮名達
士勸深省鑿方吾自量輟壯子當騁康路方多
虞窘步亦思整與子尚有心胡能置形影

焦山別夜宿湛公房作

見源在自下

揮手猶在望目極此巖阿煙水別時濶雲山蹙
處多興中聊倚泊方外尚蹉跎意緒紛蕭索秋
窻生夕波

平山堂

節物蕭森風日晶登臨我輩此蕪城平山自向
堂中列晚樹還疑榭底行老畏荒陂憑代謝醉
宜寒甃出深清樽前兄弟休團首無隈茱萸故
國情

平山堂歌

淮南九月天雨霜邀我共醉平山堂蜀岡逶迤

雲日黃雷塘淼瀰葭菼蒼我懷眉山與歐陽古
壁頽塌龍蛇藏恨無穹碑鐫琳琅江南羣山屏
風張煙樹歷歷城微茫吾宗心遠迹隨俗栖遲
市廛種花木山中舊書幾千軸推案牙籌仰看
屋顧我一笑心已足便呼酒舫出林麓堆盤菱
芡手自剝對持雙螯擘紅玉惜無佳人勸醺醪
戲催清謳發伶僕酒闌欲窮千里目俛仰共閱
人代速我來送客復爲客人生衮衮無南北三
年不得見顏色咫尺僅一通消息男兒頭顱已
半百不見坡翁有言寒食重九莫虛擲

九日值方叔非上惓別

替違白下日初黃乍見邗溝月復光馬上春雲
看杏苑客中霜節正萸房珠傳曲裏嫌聲短玉
倒風前憶態長老別知音易惆悵離言何惓不
成章

同魯生夜歸飯于貞舅氏館

曉魄沉林端殘露滴松阪遠心寄遙岑奇目憩
孤巘秋凜天宇澄日倒雲水遠下嶺光易墮緣
源歸稍晚主人供家醞雞黍邀星飯送客燃荆
薪回光照斜堰

畫風雨夜泊沽酒圖

雨作江花荻作聲荒寒如夢旅魂清村醪未是
消愁物欲共殘燈話到明

懷孫三履和

蕭蕭寒雨濕莓苔島下明鐙客未來閱世我思
同嚼蠟爭時君正似燃灰空驚日月凋雙鬢長
苦風塵阻一杯擬向鄰翁頻貰酒幽懷歲晚共
君開

追送故人方伯雨郡城值雨夜發道故憺
別

管年追送姑胥郭落木寒雲上廢臺千里勞君
期會面扁舟爲我復遲迴暗潮急夜如鳴葉細
雨連江似散埃久客正難論意緒擬將襟抱向
君開

飲孫履和同錢二丈婁大兄酒後見月感
懷口號

飲人零落歌朋散酒熟比鄰不復活久乏壺殮
供上客漸無葦血到中厨隔淮信杳長相盼見
月情來只一呼欲問休心安樂法自將明鏡照
頭顱

病中送履和兼懷李茂脩

江楓落後見君遲，欲雪前林又別時。多病酒杯

難共醉，獨行歸路更相思。

余病疴新愈，若臂痛不飲，君當與余父子

同歸新安

家人望遠愁，腰帶舊侶逢春問。髣髴身世

飄蓬，何日定楚雲淮水各淒其。

歲除同吳趾瑞言懷

歲晏他鄉客，自親向人白髮。又逢春病餘，耐可
囊無藥。住久能甘飢，有塵半壁佛燈分。几閣過
墻臘酒，共比鄰寒齋。幸不妨高卧，竟日門稀長
者賓。

庚戌元日漫興

東方霞彩麗城阿，曙色葱葱臘意和。
臨老春華休造次，懷人夜雪已蹉跎。
風光共喜新年入，歲月其如往事何。
欲訪禪栖生遠興，五雲山翠六橋波。

喜雪留閑孟同飯

江畔冬暄見雪遲，初年臘候尚相宜。
似添階草忘憂色，故遶簷梅索笑枝。
自起煎茶開宿火，朋來得酒問新詩。
中厨正可供麤糲，且喜情親坐不辭。

正月四日張次公先生過遇琴館留宿對
雪即事

野翁猶自愛貧家一笑柴門起暮鴉
栢葉細傾元日榼松蘿頻潑小春茶
沉沉帶雨簷花落浙浙無風徑竹斜
破榻尚堪留十日墻頭濁酒未須賒

過魯生郊居探梅

白鶴山邊遠寺紅日斜江路竹濛濛
幽人獨訪寒梅墅暮雀羣飛小樹叢
林下蒼苔仍濁酒興中碧水更春風
由來送客經過地無那鄉愁歲

歲同

郊遊歸荅朱丈見訊次韻

青鞋白髮好禁春乘興時爲獨往人
江上梅花殘雪後竹間茅屋臘醅新
風林待月閒眠晚野墅燒燈中酒頻
歸臥空牀把詩卷經旬出飲一傷神

西郭梅園有懷長蘅伯美

梅花樹下見春還在野柴荆不置關
二月青鞋仍近郭三年籃輦隔吳山
鄉愁亂處音書絕髮催時日夜班
此際京華騎馬客故園遙憶不

同攀

雨中荅朱濟之見招

經時相憶共銜杯，閉戶那知興盡回。
雙屐未緣花徑入，尺書頻向草堂開。
春帆曉隔連山雨，江浦寒驚昨夜雷。
且就君家細斟酌，五湖漂蕩正殘梅。

時子柔子奠西山
看梅阻雨未還

唐兄叔達六十初度

卅年三徑共蒿蓬，蒲柳輪君顏尚紅。
捉麈戲看標處月，揮斤真運鼻端風。
雙頤自解談言妙，一顧懸知辨曲工。
老去欲參無漏法，與君同事淨

名翁

鮑甥至感悼口號

千里銜悲遠到門未看顏面已消魂
吞聲怕話驚心事入夢空餘執手言
新草孤墳正寒食梨花山閣自黃昏
送車聞道盈千兩雙淚何由寄故園

過長蘆畫柳歎別

當時相送向京華同見秋楊起歎嗟
君自客回儂又客漫天春恨似楊花

崑山道中送吳趾瑞之維揚

雨晴山郭換生衣送客楊花困復飛殘夢悠揚
尋弟妹羈懷迢遞訪庭闈過江櫻實凌晨美出
水鱗魚應候肥親舊逢君問蹤跡湖風灘月去
忘機

再過杭州訪許成之同鮑谿父話舊

湖頭城角雨如麻宿酒殘歌夜鬪茶自笑經過
無此客欲尋好事更誰家留連別夢猶芳杜早
晚歸帆已棟花人事年光應共惜相逢爛醉是
生涯

雨中遊寶石山題畫

峰搖白雨水拖藍萬木含風綠正酣記得松毛
初泊日破船撐笠過湖南

湖南晚歸

湖頭新水出新綿荷葉生時又一年桑雜亂燒
斜日裏百層山翠萬條煙

送客觀潮夜歸逢成之醉後作

歸帆已遠酒初消江上逢君破寂寥無限鄉愁
不解說篝燈空畫夕陽潮

許儼韋白下寄丙午所畫秦淮秋雨索題

六年光景未題詩畫得如塵似夢時斷雨濕雲

休細看看來容易髣成絲

秦時淮水晉時歌桃葉人家相望多水上樓中
人不見一聲剛盡奈君何

題吳處士若虛風雪沽酒圖

鍾陵風色白皚皚好事還令送一杯誰似冒寒
吳處士跨鞍沽取滿瓶來

八公官酒少人知與致青絲更不遲驢背凌兢
風雪裏爲君裝出灞橋詩

雨中柬吳淳叔

鄰莊近住藕花居問訊君仍有報書雲出正思

谿雨過水添偏喜閣晴餘湖陰見酒還能畫地
僻逢人或不梳何日城邊搖小艇陶然高枕即
吾廬

垂楊人馬題扇二絕句

花點黃金勒絲揚碧玉鞭香風傳笑語吹斷六
橋煙

年少傷心處桃花落日紅酒舫歌吹歇山翠遠
濛濛

西湖雜題

不上浙江又過春家山雲木想難真米顛墨法

休相較一段荒寒自損神

風隄霧塔欲分明閣雨紫陰兩未成我試畫君
團扇上船窻含墨信風行

鮑參父扇

嵐添湖面樹頭青雨點香煙問水亭舟動岼移
人不見菰蒲風裏散鴉鵲

衝嵐戴雨到雲居湖暝松光挂綺疏半醉半醒
剛畫得扇頭落日見樵漁

金沙灘頭金色蓮雷峰斜日北高煙輕舟獨自
唱歌去道是無情亦可憐

水流花落竹陰迴石路人稀空翠來元是前春

看松客共穿香店摘青梅

雨晴吳介甫淳叔邀泛湖和顏將軍韻

西湖山雨曉來空
灌木陰陰杳靄中
放舸淥樽須盡日
開襟彩筆自生風
能詩乍喜逢光祿
避酒還愁過孟公

是日復有鄒五陽集

醉後狂歌那復惜亦

知高唱和難工

贈陳文叔

陳生師事何長卿
通章私印俱擅名
古塚破盡山鬼泣
鳥跡琢得蛟龍爭
爲人一生何坦宕
往往刀文逼秦相
長身八尺鬚眉蒼
開口掀髯笑

相向囊空酒乾不愛錢讀我歌辭神欲王故知
巧藝自有真骯髒何由出雄壯自言雕鏤本小
道白首難工意彌浩世年苦學轉茫然翻悔昔
時名譽早寸心得失空自知衆目那能分醜好
我聞此言良可悲歌終三歎同潦倒

松圓浪淘集

荆雲卷十二 九五十二首

值聞上人同宿淨慈朗微閣

猶憶早春別那期中夏逢偶尋南屏寺同看東

庵松

東退居辛卯舊遊

深林出新浴細雨鳴疎鍾法侶

舊相得幽懷知幾重

入韜光

灌木夾脩篁泉聲綠澗長自同籃輦入更喜酒
餅香笋切雲根白瓜淘雪乳涼老僧宜野性欹
倒共繩牀

同聞上人作

旬月擬來此同遊亦偶然經行適多暇喧寂自
俱禪出寺半峰雨歸房終夜泉獨慙心住著仍
是愛幽偏

雨夜懷許成之

卧君北軒下頻期來此峰空林限幽躅累月坐
疎慵夜久嵐氣集雨多泉響重肯酒正盈淥相
思獨不從

步月懷聞師兄

獨出幽篁步暗泉雙峰林表月娟娟南屏禪客

遙相憶歸向高窓應未眠

坐月金蓮池

竹根松月白泠泠暗石荒藤坐小螢却笑林僧也歸去夜泉何事不同聽

栖霞光寄詠張卿子

萬家煙郭俯氤氲十里湖鍾杳靄聞近市梅天曾載酒深山松月恨無君醉來點筆唯青嶂吟罷書空祗白雲行藥定應多妙句欲披三徑共論文

登北高東王徵美兼呈馬薛二子

散髮高峰雙屐輕君來虛閣聽泉聲懸知澗壑
堪乘興無那雲山空別情勝賞難同許玄度詩
題應共謝宣城百壺心意南屏會鷁首江潮月
欲生

同聞師兄鮑谿父登北高峰宿絕頂僧舍

即事

張戒蕭蕙
光從遊

雙峰徑轉石林蒼攜客捫蘿宿上方澗飲斷虹
明積翠湖飛片雨亂斜陽東來島嶼吞江郭西
去雲山指故鄉夜久禪心同寂歷松風諸嶺一
何長

月夜淨慈值周本因懷朱白民

息影北峰下泉源未覺深那知向城郭俄得愜
招尋自發月中嘯彌清物外心轉憶孤山夜湖
風正滿林

題弄月圖

桑根船出水禽飛棹拍蓮花露濺衣山月下來
殘酒醒摘將荷葉蓋頭歸

靈隱絕句

欲訪高人見古藤林風山月曉堪乘偶來不見
窻中客一笑還逢石上僧

徑出雙峰石有苔松驕竹冗晝難開偶然記得
林僧約獨過湖心載月來

竹裏書窻夜不關峰頭踏月澗西還陰崖泉樹
濛濛濕倒射寒光雪滿山

雨濯松蘿泛早涼竹聲寂歷澗聲長林煙未散
遠峰出手卷殘經看夕陽

靈隱夜歸

桑路沙中盡峰陰松杪多稻香明露葉谿雨颭
風荷

霏霏夏雲裏僧窻殊可留前山有飛電催上採

菱舟

過三生石依蓮上人精舍

開士初名遠禪公舊姓支種蓮曾鑿沼學草亦
臨池石竹延山翠藤花罨碧滋偶來茅屋下真
欲賦新詩

再同谿父看天竺桂樹三生石

昨引林僧入今乘山客遊汲泉巖露曉看桂野
風秋徑石相縈抱園瓜自帶鉤葛洪川畔路臨
去復遲留

湖南同吳淳叔方若淵谿父泛月即事

竹嶼花潭水閣重門移蘭舸夜從容風前杯影
金波淨雲裏歌聲翠黛濃潏潏孤霞猶散綺蒼
蒼遠樹欲成峰鼎山蘿月遙相待惆悵南屏起
暮鍾

宗鏡堂玄津上人房

開士安禪處居然十笏強崖陰扶砌竦松影卧
階長菱芰蓮花氣茶瓜冰雪香時應瞻塔廟兼
得問津梁

余愛丁家山水木幽茂題畫留僧舍

不是看山便畫山的應送老不知還商量水濶

雲多處隨意茅茨著幾間

七夕懷平仲揚州

江邊一別兩悠悠湖上相思且滯留
千里星河同此夜廿橋明月自三秋
無由結伴還鄉國况欲因人作遠遊
潦倒更於何地會見君空已雪盈頭

得子柔長蘅致張季脩書

久擬還山訪敝廬故人相望轉愁予
爭憐日暮

江東客與致春前薊北書

季脩在密雲

飲啄且隨衡

浦雁稻梁寧問武昌魚沅蘭自管思公子澤畔

何勞更卜居

石佛庵留別雲閒薛更生

庵前握手且盤桓竹裏峰陰秀可餐
幾夜明河三泖下一年黃葉六橋看
空濛野艇晨裝濕棹曳湖鍾暮雨寒
同望故人腸欲斷臨岐那怪別離難

酬別蕙光

新詩吟罷重依依
貫得離觴不忍揮
投海輕雲峰頂急
挾泉疎雨寺頭飛
江蘿遠道還成夢
庭樹孤帆且望歸
臨水登山空有淚
不堪沾濕美

人衣

懷韜光

磴盤松櫟上青冥累月泉源戀翠屏
谷口湖鍾秋裊裊江頭煙嶼曉熒熒
閒窻書罷陰長積禪閣歌殘夜不扃
乍別雲蘿餘爽氣回思煩暑一時醒

九月二日子柔天谷丈數輩俱集隱峰師
東林軒話別

往來支許最風流盡日玄言自倡酬
節物況憐重九近煙霜還憶兩高秋
荆雲寒菊雙蓬鬢濁

酒清琴幾白頭解得浮生無住著不將搖落倍
離憂

同唐婁二兄過安亭訪張六泉丈因值洞
庭嚴澄宇即事

獨訪空林欲到遲十年衰病自襟期野入木榻
空雙邾山客明燈其一卮簷樹正當江白處孤
帆重繫葉黃時那堪問訊還傷別歲暮湘潭起
夢思

十月二日親朋拏舟追餞有同至崑山者
時谿父卧病寺中

郭外西風片雨晴
燈前倚棹百壺清
纖纖初月生寒細
淅淅殘潮到曉平
旅病祗懸遙夕夢
送歸還上小山行
共知別後嵇康懶
況隔衡陽少雁聲

十六夜登瓜洲城看月懷舊寄所親

十年曾宿焦山寺
浪急天寒少客行
明日片帆仍遠道
一時雙眼復孤城
暮山欲盡離尊歇
黃葉全稀白髮生
別後故人無限憶
隔江同見月初盈

阻風題畫扇示張老

風起蘆花雪滿衣
荆吳淼淼片帆飛
青山一路何曾斷
底事瀟湘雁亦稀

李洋河舟中戲爲俚體遣意

半似春還半似秋
不成估舶不成遊
幸無冰雪傷離思
且有雲山遮客愁
遠雁如塵飛水面
亂帆疑葉下吳頭
明年更鼓瀟湘柂
老淚憑添萬里流

題畫

萬樹枯楊近驛樓
楚江無盡向東流
故園亦有登樓眼
莫送春光到陌頭

高竹長榆到矮橋殘冬無日不招邀南屏行腳
歸來否獨遶寒塘看柳條

殘臘無人望客還舉頭乾鵲漫相關柳枝忽作
黃金色同上西樓看曉山

梅衲庵前暮雀譁小梅今着幾枝花
瑤瑁臍意渾描得誰道狂夫不憶家

題桃花流水送張老

寒宵同夢晝同行我住君歸無限情
春水送船隨意急故園歸到是清明

秋後戲柬吳中親知二首

一
莫論楚客易悲哀
沉值經秋信始迴
抱影不知江上住
連宵微覺浪聲來
鏡中白髮千梳雪
屋裏烏皮一寸埃
若問身心調伏否
相將都似不燃灰

虛舟甘已逐萍蓬
環堵依然半畝宮
勲業不勞看鏡裏
生涯聊復閉門中
攜來茗飲仍吳餉
隔絕人煙斷楚風
譬是在家禪丈室
多時未與故交通

登樓

少小聽歌怕唱愁
一聲楚尾與吳頭
如今身在

傷心地但見春光莫上樓

壬子元日試筆

歲朝官舍晝陰陰
楚客經時懶越吟
鄉思漸寬何用遣
禪功無得但看心
閒傾水盞凝花乳
靜對銅餅出妙音
陌上東風有消息
玉壺春色擬同斟

晚來盥手卷殘經
步屨東堂坐小亭
煙樹岡頭圍斷障
遠梅牆角點疎星
園菰翠甲春前短
簷桂交柯雪後青
老困自甘閒寂味
莫因時節感飄零

聞起田冬後陸行入楚覲省除歲已遲其
至

郎君肯爲作書郵因覲庭闈却遠遊豪宕江山
添起色崢嶸冰雪破牢愁路瞻廬阜經殘膺馬
過巴河正穩流春酒官衙須拜慶使車早晚發
衡州

喜燈花作

新年燈火解生花似報歸期漸有涯身世等看
俱過客夢竟何事獨思家長貧驥子唯憐母學
語雛孫欲喚爺偏使親知暗愁絕共傷臨老貧

春華

感春

少小茲晨喜欲狂，相邀結束踏春場。
暗思豪興隨年減，空愧浮生向老忙。
遊隊懶追依酒伴，歌棚嫌鬧憩僧坊。
明年祇有還山約，願醉松傍與竹傍。

元夕

幾年元夕獨清齋，長負燒燈結綺街。
無復紅顏凌紫陌，難忘黃帽返青鞋。
鄉書正使丹心破，吳橘空憐綠袖懷。
何處臨風吹玉笛，梅花江月自。

天涯

病酒書懷呈羽明兄

春還江上見雙魚，忽復芳郊二月初。
草色惜惜禁雨濕，柳條嫋嫋破寒舒。
何當遠道逢多病，賴有新知慰索居。
潦倒祇應判共醉，燈前難遣綠尊虛。

次韻寄子柔兄兼柬所親

東林還往近如何

前見懷詩有思君時一到東林

客裏春寒忽

忽過望遠不堪芳，草遍開書應對落花多。
天邊帆影揚州路，雪後江聲灩澦波。
爲報心情蕭颯

盡相逢無復舊悲歌

憶舊寄茂初兄弟魯生方孺諸君

沿江路熟早梅開出郭逢春探幾回
愛觸繁香呼白墮還穿碧水卧蒼苔
多情酒客風中至半夜歌船雪後迴
處處題詩滿青竹不堪蹤跡漫塵埃

不見及體戲東仲和長蘅兼訊無際正叔
閑孟兄弟

不見東家孤湛亭漫傳消息思南屏
三春作客寸心折萬里向君雙眼青
湖邊弄舫自理曲園

中揮鋤同掛經西城草閣正安穩北郊騎驢空
遠珮青絲玉壺幾人別紫藤煙樹花冥冥

同羽明惜別

緘完遠信自題詩與話歸期未可期詎意春風
俄送客還聽夜雨各傷離三年形影空皮骨一
夕愁心長鬢絲去住相看真是夢思君何日解
人願

松圓浪淘集

春帆卷十三 九六十首

絕句

遠樹春雲白
晴洲落日香
江南無限好
畫出斷君腸

甘寧廟前古樹神鴉

回經捲雪樓
神鴉啼不去
記得泊舟時
月明天欲曙

夜雨

江夜雨浪浪
春風難禁當
匡廬雲霧裏
半月到

潯陽

歸舟續成前冬阻風畫扇

黃蘆衰柳滿寒洲落日風江在楚舟歸客正隨
歸雁後斷腸春色石城頭

清明舟中

清明寒食山頭哭到處猶傳舊風俗無家自愧
百年身有情共傷千里目漢陽渡口柳依依江
風作花雪打衣經旬始過道士洑五日未離黃
鶴磯吳王廟前烏銜肉又攪崩江作銀屋叉魚
艇子不敢行晝傍官船愁水宿春光忽開三月

三紅桃寫鏡江拖藍煙花纔下兩孤非松楸正
在九華南蟪蛄亭亭落日孤春原盡處是蕪湖
青煙白道人歸去紙錢掛樹啼鳶鳥

畫燕

丁未畫與縣父

官柳生桃葉花狂易作泥銜春江燕子莫向翠
樓栖

真州酹祖辛宗老

雪後猶逢笑語溫春風尺素到柴門他鄉面上
三年土細雨江天幾斷魂

平生倜儻更能文好事耽奇老子雲寂寞茂陵

多病日消中非爲卓文君

眞州夾岼接桃花舟過心搖腹痛車絮酒一杯
澆宿草白頭清淚漫交加

拜錢叻府二丈墓

四月黃花入麥疎白楊風急黯躊躇交情未展
生芻後客淚徒沾宿草餘三步獨過橋老墓一
屢誰問子雲居漫言泉路襟期在腸斷原頭會
塋車

雨中張子薪餉麥

梅雨蠶風六月涼滕橋帖岼水平秧正思村落

琴書靜忽送柴門餅餌香

海畔酌張天谷先生墓

春盡花飛歸客晚
葛陂龍去杳難攀
無人枕內收鴻寶
有訣囊中秘大還
華表音塵遼海路
玉棺覓氣四明山
潸然哭向神仙塚
不是來觀靡博閒

次韻酬茂初病餘見訊

六月長孫阿庚死

支離城郭見何因
豈有江湖縱涸鱗
值我移家貧到骨
憐君下筆老如神
雙眉聰慧看埋玉
十口煎熬待桂薪
賴倚微吟共陶寫
莫言此物但

窮人

移居城南送李緇仲鄉試并寄仲和

南村又得素心鄰
月白槐黃送所親
慙向通家稱執友
欣從觀國賦嘉賓
仙毫早夢江生筆
殘質空悲郢匠身
到日相知應借問
爲言窻樹照茶巾

朱濟之先生挽詞二首

中年懶慢愛陶情
曾學桃椎隱姓名
明月入懷杯共把
青雲遶筆句還成
何當總帳栖塵夜
似有空階落子聲
白馬素車原上客
各垂雙淚訴

平生

憶昨花飛慘客顏
思君幾度欲潸潸
同時才調傾心盡
異代風流抵掌閒
披卷百城來隱几
彈琴四壁有名山
黃壚寂寂泉臺夜
猶說先生善閉關

題松石寄履和

頭顱今若何
相見不相識
欲知故人心
蒼蒼歲寒色

曾波臣爲余父子寫照

曾將素髮乞青銅
妙處心知阿堵中
敢謂嵇康

鄰野鶴聊憑顧凱送歸鴻神情頓益三毛異巖
石宜分一壑同先與子柔畫像更欲請君爲直榦自慙
蒲柳與飛蓬

子柔兄示余以壽內詩輒賦長句用志欣慕

令妻德美自平均居士心安學詠貧不碍無生
從佛子好稱偕老配詩人團圞話裏酌婚嫁裘
褐妝前忘主賓莫道等頭俱假合欲憑天眼問
前因

白陶詩

爲傳孝玄作以白迎春盆樹合陶淵明集名齋因以自號

白陶先生老耽酒蕭然四壁何所有破書牀頭
盆樹邊嘯傲一莖配五柳根柯輪囷枝離奇偃
松倒挂柏左紐纖細難期鸞鳳宿窈窕須宅神
明守淵明雖是可憐人種秫公田盈百畝先生
屢空晚誰似短髮短褐不掩肘杜老酸辛只酒
杯揚子文章徒醬餽丈夫遭遇各有時富貴駢
人猶反手如君政恐不免耳我醉仍瞋問升斗
送侯起東謁選

銜恩休沐承顏早謁帝明光結綬初臘後宮
花開紫禁雪中官柳入青徐仙郎列宿懸臺省

侍女天香限直廬計日板輿仍遶膝莫因戀別
漫躊躇

放歌行送長蘅北上兼柬陸羽明

李生志苦材力豪時挾怨誹兼風騷醺然著物
如春醪寸心欲作九州幃尺布且爲寒者袍見
之使我百憂消一日不見中心忉憶昨楚天風
雪餐哀鳴孤雁求其曹我歸子行儻相失清塵
濁水何時遭只今歲暮當遊遨良朋置酒爭烹
羔擔囊挾書車載膏底事輕別如鴻毛江淮苦
深梁父高冰雪欲渡河無刀日晏人馬同疲勞

南宮紛紛羅俊髦相逢俛仰隨桔槔萬言矢口
唐與陶安能洗耳追由巢人生適意始爲樂送
君踟躕百憂作出門終傷棄儔侶還家復恐填
溝壑勞生擾擾何時休飲河食壤皆有求濡首
沉飲取快意啜醕餽糟非良謀腐儒由來耻干
謁何如屈節事王侯

太保王文肅公挽詞四首

政地虛阿保皇天喪典刑神仙長辟穀時俗忌
偏醒謚議春官列勲庸相國銘褒榮藏冊府猶
寫御前屏

大節丹青炳艱難孝與忠 睿情紆一老玄象
坼三公夾日盟長在同天力已窮惟餘憂國恨
遺秦出懷中

寢疾當 嚴詔歸魂擬大招浮雲彌北關清淚
滿東朝定策金滕秘追鋒玉節遙素車臨穴者
仍是舊元僚

青島開兆域丹鳳遶泉臺北里虞歌入東園
賜器來笳簫猶郡郭劒履即塵埃去日仙舟地
徒看弔鶴迴

王辰玉太史哀詞六絕

少年薄伎止雕蟲臭味迂疎亦見容漫道它山
可爲錯白無瑕類與人攻

藥盆匡牀問疾時清明如鑑命如絲老親相守
同形影只道 君恩不可辭

人閒公道日難憑顏跖須臾出愛憎歎息斯人
不重見誰同觀火辨淄澠

文章宗匠屬蒐羅與唱家風絕種譌近日下流
都抹撥難將一指塞江河

臨池響榻事偏工抉石錐沙力更雄脫贈雙鈞
登善本曾教人得楚人弓

松園清集卷十三
一
中年嗣續念螽斯桂馥由來詫一枝自痛衰殘
蒲柳質哭君臨穴恐無時

送聞上人張伯美之餘杭

一往千峰不可攀歸心已折復離顏禪過月白
湖心夜盡處雲青天目山松度衆谿時謾謾泉
經深竹更潺潺應憐春盡還多夢風雨江城獨
掩關

又送伯美

興盡他鄉久怕春送君朝雨更傷神落花寂寂
還山夢芳草淒淒遠客身一別幾時重笑語何

人同病話酸辛親知憐我應相問頭白支離只
詠貧

雨中同茂初閑孟過子薪村居即事

朝寒霖霖盪舟行渚柳江花白浪生客到杯香
憐閣小興移墨漫愛窻明簷前樹缺春山出橋
外天底野寺平共道主人能下榻不愁風雨斷
柴荆

仲夏偶過長蘅水檻即事

輕舟出郭信風颺過雨陂塘五月涼山檻水添
平入戶野亭樹密遠生香村中客少過逢簡醉

後情深笑語長頻到不須仍載酒自煎花乳閒
黃梁

雨中過張魯生清夜聽曲

新賞由來興不違忍逢高唱獨言歸共穿疎雨
牽花艇自載清樽款竹扉紅蠟淚多時見跋嬌
鶯聲斷一沾衣已拌白髮從今盡莫放梁塵到
曉飛

五月十三日陪茂初兄弟寶尊堂讌集

每到君家雙眼明二難況值自逢迎庭交玉樹
無賓主坐倒冰壺向友生漏日碧陰搖酒氣出

雲鮮月透歌聲華簪何必榮華髮始信幽人不
愛名

又呈茂初兄感舊之作

頭白歡娛仗友生誰如童稚即親情多君最有
嬰兒色顧我空爲老婢聲總角聰明原出衆隨
肩對句每先成疎頑似得逍遙意差可相陪作
弟兄

春盡感懷

一年春盡送春時萬事傷心獨詠詩夢裏楚江
昏似墨畫中湖雨白於絲空煩兒女啼書札應

有親朋覆酒卮明日夏雲徒極目斷魂搖曳各天涯

訪瞿達觀少叅

時

請告不赴南粵之任

使君遺化滿江沱漢主無勞問粵佗吏候梅花
南海節君眠松桂北山蘿序年差比潘毛少辭
秩猶嫌邴俸多高詠丘中招隱曲蒼生懸望欲
如何

魯生西齋題扇

石橋明月出西峰同聽南屏隔水鍾昨夜西窗
風不斷半疑巖瀑半疑松

鄒園天均堂讌集

黃公澗畔木千章
映帶鳴泉百步廊
薜葡萄花飛
天女室紅蓮客滿
衛軍堂風前舞燕輕
宜障谷裏嬌鶯囀
勝簾貪坐冰壺消
永日知君應未厭
清狂

八月夜過魯生題扇

秋月當門秋水深
岼花寂歷野蟲吟
西窻舊事人誰在
谿雨梧風夜罷琴

送曹丈江行之六合

實父外舅

對客看雲想故丘
憐君何事到滄洲
還家明月

飛鳥鵲背海輕帆羨白鷗瓜步江空微有樹秣陵天遠不宜秋貧交此別難爲贈欲借殘樽比石尤

同隱峰長老過海慧堂贈怡玄

東林北院好經過相去牛鳴百頃禾出寺經聲流水遞過橋人影夕陽多但看心地隨珠映底用頑磚作鏡磨老却白雲無一事茶瓜留客欲如何

雨後蘊暉兄訪話舊

西樓群木曉幢幢一笑空庭印屐雙天目水來

浮野鉢城頭雲破拓秋窻摘蔬禪意脩脩得投
芥閒心脉脉降却憶清涼斜日裏相逢支策見
長江

毛錐行

茅生輕舟如畫閣自嫌浮家不得泊我栖一樓
如凍蠅跬步出遊還不能安得逐子東西去載
酒千斛長如澠買斷烏程與顧渚松醪松風瀉
花乳興酣貰我千兔豪亂掃谿藤落風雨隨手
瀾翻乞與人自豪快意無所取茅生叩門肝膽
露知我平生重毫素只今十指如懸槌生花吐

穎將何爲牀頭大劒且無用愧爾徒贈雙毛錐
秋夜觀汪杲叔印章兼子柔兄題字

酒闌開匣處眩眼逼西秦垂老還逢我無媒懶
向人新文成鏤澁古氣出荒榛遂有銀鈞贈看
裴莫笑貧

題扇送客懷長蘅湖上

送客西樓落木風髣絲吹斷酒巾空危廊千尺
雲居寺霜葉仍欺二月紅

約看西湖十月紅掉頭歸計又成空年光如水
心如夢人在西樓暮雨中

王翹草蟲冊

箇裏看魚樂，條然濠上情。空明如可鑑，來往不

曾驚。

鯈魚

一片江湖心，半生魚蝦侶。還思見底清，投罾富

春渚。

蝦

斷葦寒潮裏，菰蔣作稻梁。吳江楓落夜，公子已

無腸。

蟹

時過鷓鴣鳴，雨來蛙蛤吠。池塘春草深，何當作

鼓吹。

蛙

不隨靡草化，還同苦菜生。自無當轍怒，何事亂

琴聲螳

秋雲搖曳時殘聲在高柳誰傳冷風姿知是承

蝸手蟬

竹間流黃機明月與白露繅絲頭緒多經秋不

成素絡緯

栩栩誰爲周漆園善齊物何知鵬鷃遊不受烏

鳶嚇蝶

墊巾樓中宋比玉對雪鼓琴余戲作圖便

面漫題時過婁江因訂後期

閩客不見雪流霞在鳴琴茲晨何飄瞥快作崩

山音七絃正凝結萬象回幽陰南思九仙遠北
望三湘深江水榮後期春氣動前林母令招隱
曲荒塗空古今

除夕

冬暄見雪忽驚雷除夜晴光破早梅江北音書
隨臘下城東鄰曲倚春來注無際移居東閣尚堪驅使
酬高興都絕攀緣稱少材把燭隔籬呼守歲漫
領花乳送餘杯

松圓浪淘集卷十三

終

松園浪淘集

松寥卷十四 九四十八首

甲寅元日試筆

地偏人訪華門稀先有春風款客扉孤棹過年
期重到家山遲日許同歸

此五期同遊黃山

不嫌鶴髮

紛紛長但遣鶯花緩緩飛身世久思成昨夢敢
云回首未知非

喜孫履和病後相見惜別示石甫

多病難期命駕來一旬俄復挂帆回華燈自照
衰顏破

燈席相見二月六日別

碧柳那知別恨催暫聚正

同相值梗長貧甘作不然灰獨憐媚好仍如玉
懷抱經時爲爾開

胡明府父母雙壽詩

白玉仙郎捧綵輿當時懷縣未應如人疑丁令
千年後顏似麻姑十五餘長日巢冠還哺鳥青
春入饌鱸殘魚漢家有詔趨華省祗戀晨昏限
直廬

汪孝婦江女詩

漸江百尺懸鱖魴清河千里蕩鴛鴦新都窈窕
閨中女越國參軍陌上郎家留清淵城隅曲身

赴河西鞍馬光庭樹羈雌祗反哺空梁栖燕本
成雙夫壻三春涉長道王舅衰羸不自保氣力
悠揚風裏絲年命須臾露頭草風露崦嵫日頽
暮服藥求神那可度思祛二豎去膏肓不惜殘
肢充糜餽憶昔嫁時升君堂分明託身奉姑嫜
共誇新婦好身手獨留王舅相扶將分無長生
萬年藥幸傳起死千金方紅顏有恨若穠李白
刃無情欺雪霜玉膚砉然如隕籜金錯紛綸同
截肪自年二八嬌且恒乍臨砧几驚破數金鍼
雖拈不忍觸剪刀欲下心恐傷何由提刀自剔

割不異屠創。剖羔羊。擲刀瀝血口。累創烹粉奇。
臃生微香上堂。跪進朝餽。旁侍兒閉目潛走藏。
路人彈指涕泗滂。徒委深痛徹。后地竟辜至禱。
迴穹蒼。至今土花青燐化爲碧。長與太白耿耿
爭寒芒。

春盡

老惜光陰併日遊。及看春盡恨悠悠。已拌濃艷
隨黃土。轉覺歡娛惱白頭。蘭葉醉痕沾舊扇。燭
花紅淚在空樓。不因千里傷春目。領斷江南一
味愁。

五月一日雨中過東林軒惜別

寺門橋下獨徘徊，谿樹籠煙黯不開。
月出可忘攜策到泥深，曾幾泛舟回。
冬青香滿花堆雪，苦棟風多徑糝苔。
從此經時蹤跡斷，更誰衝雨亦能來。

孫士徵甘露僧房話舊

雪中分手地，亦在暮江邊。
栖泊長如此，心期共渺然。
落帆千步柳，到寺一聲蟬。
爲掃清谿石，還家與醉眠。

荅鮑谿父見懷二首

未遂還山計，離憂何自開。
顏摧湖岬柳，淚迸楚江梅。
西閣春頻倚，東林雪每迴。
所嗟無羽翼，知子詎能來。

新知何意得鄉遠，報君遲忽已來。
詩札聊因命酒卮，貧尤殊往日老。
豈會趨時隱，几吾俱喪中。
懷願子知。

送方叔由金陵錢塘歸東伯雨諸君

客中杯酒數經過，江岬炎風奈別何。
舊好祇應憐白首，新聲聊與乞青蛾。
秋生建業逢偏早，山過臨安看漸多。
爲報蕪城歸夢切，歲寒知未隔。

雲蘿

奕園歌爲孫照鄰作

君家谿陽好洲渚怪松雲崩如醉舞滄波老樹
性所偏舍此留連欲誰主更聞谿上多園亭中
有奕園最楚楚疊石峰剡林屋雲種花品壓廬
陵譜罨畫團窻散縹帙青黛窺簾闌眉嫵隔雪
風廊來響屐落月松庭過鳴櫓池上酒庫置千
斛苑外平疇連萬庾仲氏田園樂養親謝家詩
篇工述祖英英照人朗眉宇相逢磬折偏偃僂
玉壺清冰中洞澈五千文字紛撐拄東吳瑯琊

盛門戶弁山賁園兼澹圃品題雖是擅騷人雜
遲終愁共僖父孰如谿山自昏旦獨攬煙霞任
吞吐淵深木茂幾百年滋德飲和相繼組紵看
駢枝連理生身不擇巢更哺乳

照鄰未有子用
歐陽公許氏園

記

次宋大韻即事與梁五四絕句

中年百事欲埋名腔拍差池本領生不信佳人
偏識曲願稱弟子學新聲

來禽半啗手分嘗風裏唇脂對口香教就衛郎
零落譜瓊花臺下漫霓裳

莫論肉響勝絲絃含態含嬌騰客憐打噪一聲
堪叫絕須知妙處不關傳

髭鬚白盡怕聞歌滿子於今不姓何寧送繁音
撩衆客莫將清怨着雙蛾

次宋韻題贈馬二

中州人題扇有小引

洛陽花美占蕪城消渴人偏憎馬卿十丈紅塵
三市笑青鞋不爲別人行

懷懷風前豔雪迴向人蛾淥不曾開蠟蛸網戶
苔生坐云是城東行藥來

生香竟體自芳蘭一捻愁勝羅綺難攜得玉山

程國清詩集卷十四
堪比玉胤頭麤服不簪冠

何處吹簫教玉人十年贏得夢中身楚腰纖細
江湖外疑是陽臺行雨神

雨中泛安江門外

由廣陵登金山訪一雨師不遇同宋比玉

和蘇長公韻感舊一首

東坡遊金山寺

眯目百日淮揚塵振衣濯髮思江海金山不見
元長老幸有同心嘯歌在此山得名緣頭陀至
今遺洞凌洪波江流巖石縱不改人間歲月元
無多我初兒童鼓輕轍俛仰光陰如一日江雲
自作髣髴變落日暫借衰顏赤起看太白送殘

魄月兔旋駟日烏黑悠悠大事何時明山石點頭還解驚山中往來舊相識冉冉相尋成異物彈琴把酒向此山山石應笑山人頑勞生百年無窮已撫影悲歌淚如水

焦山寺訪湛公過淨蓮故居復同比玉和

蘇韻

蘇集自金山放船至焦山

千尋飛閣何耽耽瓊花觀頭看江南焦山一抹差可辨安覩浮玉連山三舉足糞穢不可下僵卧白晝如眠蠶山中尊宿屢相約見月不往心空慙宋生羈懷正搖落登臨作賦追江潭風琴

如訴當輒語新詩勝酒生清酣醉中欲仙山石
許月下起舞江妃談圓公骨冷祇見石遂良鬚
白仍同龕留詩三過跡未遠塞裳獨往心長甘
清風明月本無價縱爾不禁寧非貪破琴詩在
君自悟春碓語妙吾何堪別峰即在妙高頂峰
畔猶有華嚴庵

松寥僧房清夜聽曲和等慈師三首

白哲虬鬚美丈夫敲冰琢玉寫圓珠汪倫情比
潭千尺如此歌聲得似無

嚼羽含商一繭幽吟風曳露幾蟬秋客愁滿眼

西江水捲入僧窓燭下流

長史濡頭因劒器素師抱足識書源由來大叫
狂呼意此際徬徨無一言

泛舟法海寺登觀音閣望金山懷子柔京

口

小槥輕橈度淺灣霜林蕭閣出煙鬟野風颯颯
帆移浦江暗戎戎塔表山一水相望如可接片
雲無意杳難攀殘崖尚有殘碑在儻繫高人興
盡還

再過鶴林尋子柔同飯晚歸金山月下作

獨訪已曾來古寺午陰僧榻夢清酣重遊共漱
山泉味一笑都忘野蔌甘月露洗時還水上芙
蓉削出是江南別峰幽處宜同往落日疎窻憇
小龕

酒後漫歌爲師孟壽兄康成

不羨君家堆金貯玉過北斗亦不羨君陳紅腐
粟栖南畝愛君努力樹脩名兄弟鄉閭稱孝友
逸少分甘晝哺孫仲長兼珍朝奉母樂事駢頭
幾合并香名無蹕四馳走有地不令長棘茨有
園不種繁花柳傲雪護藜晚更榮凌雲竹柏凋

偏後枕中鴻寶多秘文案上龍匣交篆繆百里
連車會德星十月盈缸倒春酒廣陵黃菊霜下
妍遙屬歌辭爲君壽結伴還家意已違隱几蕭
條對重九十年慙愧欲稱兄半百蹉跎空似舅
長夜漫漫自捉鼻短髮紛紛時被肘故園松桂
廿年蕪莫論圖書壁已無相逢淮海悲歌士還
憶高陽舊酒徒

喜仲扶弟高郵過訪阿防亦至

秦郵吳市兩茫然兄弟相逢各問年蒲柳過秋
先似雪燈花初笑欲含煙茱萸香冷羅囊後叢

菊寒生破帽前難值江城風雨夜醉重姜被對
牀眠

雪坡道人畫歌

君家虎頭將軍號癡絕近有倪迂前米顛冷謙
張翬亦狂怪神妙無過郭恕先當時富兒輦金
置酒購筆蹟線車十丈牽風鳶嘲哂萬乘等寮
友淩轢閣貴噤豪權萬金不易一蜩翼雙腕肯
逐羣兒羶雪坡王孫虎頭裔家在麟閣官貂蟬
五花當御本神駿十眉列屋多便娟唾棄玉食
解金勒折節力與寒士粉墨爭精研陰符黃石

自神授戲揮魚鳥駢雲煙雷霆戰鬪寂不瞬猛
氣獨注秋毫顛真人寓物不留物況徇流俗隨
嬾妍年深物化形影在筆蹤蒼硬丰神全雲孫
小侯富文彩王詵曹霸知誰賢維揚五月潯如
煮玉函初啓神凜然雪山星河忽照耀滿堂驚
瀑聞寒泉魂搖色動意輕舉令我欲化乘風仙
雪山星河御風
皆畫中所見河陽郭熙舊寶愛但恨未覩僧
巨然何由突兀示此本營丘洪谷置我前平生
愛畫苦入骨無緣藏乞空流涎解衣作歌自盤
薄歸臥儋閣終殘年

顧所建席上分得齊字送方季康

空山老樹記幽栖擬共扁舟訪故蹊
挿棘舊曾防虎過種松今合與人齊
梅花欲發違東閣春水還生問竹西
君到若尋漁釣處紫苔已没十年題

廣陵同舟次吳門與季康震甫惜別

津亭客散酒初醺江寺帆過日欲曛
隋柳蕭蕭迷極浦吳山隱隱若寒雲
羈愁明月生偏好慕侶飛鴻遠又分
總是路岐俱有淚還鄉那比獨離群

寄懷瞿達觀先生山居

風傳拂水到人閒，窈窕秦源未可攀。
枕席雲流松際月，房櫳花發雨中山。
霧深文豹娛初服，谿靜羣鷗狎紫綸。
底事扁舟祗蕭瑟，經秋菡菊自

江關

伍相廢祠

百花洲上有元人鄭元祐碑偶同，不了長老過此。

吳宮舊事滿陳芟，伍相殘碑剔蘚苔。
碧血未隨荒沼沒，素車空駕怒潮來。
但聞楚水猶金瀨，莫問秦庭已炬灰。
落日寒鴉倍惆悵，百花原上一僧回。

走筆別比玉

去年雪花大於席七絃枯桐揮霹靂今年月華

白於練十尺谿藤掣雷電

月下乘醉篆書大障

及羅灣頭

喧晚鴉墊巾樓前逢早化江上我留君苦別興

中君到我還家冰雪嵯峨不可楫姑蔑山寒少

楓葉閨人多夢見君還遊子不眠待明發行行

羈客是浮雲寂寂邦溝有殘月

先是別君揚州余歸君已在我

樓中十一月十六夜負書此歌送之

元日同唐孟先墊巾樓晏坐

不知殘臘即春朝時見村翁過野橋欲訪寒梅

愁信遠稀聞爆竹覺人遙自開畫幅閒尋壑共
對銅鉶晚聽潮釋子詩朋相問信莫嫌還往日
蕭條

正月十八夜宿長蘅家感舊和前次醉閣
詩韻

山樓梅萼垂垂夜把燭低回小綺櫳坐久心情
元約略酒闌頭髮太冬烘流年燈罷殘更月舊
事庭前半樹風却喜故人今未貴依然蕭寂類
禪公

新晴季明孺同王伯深攜詩見訪留飲賦

得勸酒

新晴谷鳥友聲時相訪兼携絕妙詞有玉偶同
嗟暗劒得錢聊與醉深卮梅寒似笑清吟客柳
軟如看痛飲師掩却牀頭照膽鏡誤人薄命是
蛾眉

憶焦山題畫二首

風送歸潮雨送船秋窻客散樹無蟬下方雲盡
遠江出唯見空亭沙際天

松寥舊事滿僧窻搖曳秋琴咽夜撞颭颭曉燈
風閣裏半衾梅雨夢長江

送唐正叔遊白門寄蒞暉上人

矮閣聽詩酒未燖去年雨脚亂深簷小舟送客
不成醉一夜霜根上短髯梅水白侵吳岫闕蘆
洲青斷攝山尖落帆好載中泠碧寄語僧寮夢
道潛

過友人林亭

閒掃虛亭亂竹中數椽茅屋板橋通青天笑問
幾時月白日高眠三伏風世事饒他棊局變人
生何物酒杯同若聞富貴榮枯話但指浮雲與
太空

重到揚州書懷寄震甫若淵

鶯花三月望揚州千里傷春獨倚樓
逐日前期容易去追涼舊迹隔同遊
雲閒客到生搖落白下書迴見火流
歸計未成那敢說十年飄蕩一孤舟

書去年臨別畫疎林暮鴉與季康

荒林幾點隔江山猶是離心落照閒
從此邗溝自明月寒鴉無數夜飛還

喜瞿起田捷至

秋遠淮南倚桂檣喜聞君捷慰飄蓬
白頭共聽

三更浪綵筆真乘萬里風末路科名綠士重老
懷飛動爲誰雄由來漫詠哀時命藻鏡於今有
至公

唐孟先還郊居惜別

君辭同舍返郊鄺舊迹何時不可憐風雪詎愁
空閉戶月明渾在未開船半鉸濁酒無單飲破
壁殘薪有共燃安得卜鄰重小築一廬春雨一
犁煙

雨夜懷比玉

經時魂夢暫周旋徙倚樓中望去船凍雨濕雲

憐溪墨長更疎點認鳴絃牀留甕面同開酒餅
貯山頭共汲泉更有一般慙獨享紙窗燈火近
殘年

麴蘖篇爲季明孺作

麴蘖有何好沉冥將無合理勝物可齊玆解吾
已嗒百骸一已蛻羣衆何由嚙所以古來士枕
藉事壺榼季生歷落材襟抱頗洞達往往耳熱
後壘塊自茲豁世路多嬖妬物情美噉嗜豈惟
致摧罵童隸幾欲殺我思頌酒賢不聞迅雷雪
蠹蠹蟻與蠓曾亦置眉睫

沈公路海上遠致香粳糟茄饋歲對雪東

謝

江上書來腰帶股衡門苔破餉殘年提携欲報
山妻法儋石遙分海客田落筋翠酣秋露實儲
餅光溢夜珠圓不愁徑雪深三尺好放先生擁
戶眠

除夜書懷寄履和六安

相嗟白髮對華燈又兩除年見未曾跡等聚泡
更出沒情如營繭只膏騰閒堪糞掃爲窮子老
擁貲糧類病僧半百已過難稱意欲參名岳訪

盧能

君亦五十矣君少
嘗有學佛之志

松圓浪淘集卷十四終